

欽定八旗通志

人物志

卷一百二十六

之一百二十七

欽定八旗通志卷一百二十六

人物志六

宗室王公傳四

和碩德豫通親王多鐸 多羅信郡王多尼 原封多羅貝勒察尼

和碩德豫通親王多鐸

多鐸

太祖高皇帝第十五子初封貝勒天聰二年二月與同母

兄多爾袞從

太宗文皇帝征察哈爾多羅特部大捷俘獲萬餘

車駕將還瀋陽途中宴從征將士

賜多鐸號額爾克楚呼爾三年十月復從征明由龍井關入同貝勒莽古爾泰多爾袞以偏師圍漢兒莊城降之遂會大兵克遵化進薄京師明寧遠巡撫袁崇煥錦州總兵祖大壽以兵二萬來援屯廣渠門外諸貝勒敗之多鐸以年幼留後明潰卒來犯擊却之十二月從

上閱視薊州形勢明山海關援兵五千距城二里許列陣多鐸同諸貝勒擊敗之五年七月

上征明大軍抵大凌河夜圍其城正白旗都統喀克篤禮率本旗兵圍東南之北多鐸率護軍兵爲策應又與大貝勒代善等率兵三千以礮攻克明近城臺保九月明援兵七千出錦州拒我前鋒於小凌河岸

上以兵二百馳擊敵潰遁多鐸追至錦州墜馬馬逸入敵陣乃乘小校扎福塔之馬而還越十日明援兵四

萬距大凌河十五里列營多鐸從

上擊敗之十一月與貝勒濟爾哈朗等率兵三千五百往塔山東阻截邊海隘口俘百餘人六年四月從征察哈爾林丹汗遁大兵分路前進多鐸與濟爾哈朗多爾袞等率兵畧歸化城西南黃河一帶俘衆千餘八年五月復從征明七月與阿濟格貝勒等率兵自巴顏珠爾格入龍門遇明兵敗之又奉

命率兩黃旗每佐領兵五名往畧保安州攻克其城殺其

守備會大兵於應州謁

上籍俘獲數以

獻八月往畧朔州東至五臺山還從

上擊敗明兵於大同城南九年二月

上命貝勒多爾袞等征明山西五月

諭諸貝勒大臣曰出師諸貝勒此時想已入明境明必調

寧遠錦州兵往援我兵今當入寧錦界立營使彼望見我軍以牽其救援之兵遂於每佐領選護軍二人以多

鐸爲帥艾度禮阿格等輔之入廣寧境遣副都統
阿山石廷柱叅領圖賴吳拜郎邱察哈爾等率兵
四百先驅多鐸率大兵繼進逾十三山站立營明
錦州總兵祖大壽令副將劉應選穆祿吳三桂等
率兵三千五百迎探大壽駐營錦州城外五里時
明將劉成功趙國志率兵八百與應選等合兵至
大凌河西與我兵遇阿山等以敵數馳報多鐸
多鐸遂率所部馳赴飛塵蔽天明諸將見我勢銳大

驚奔潰阿山等四百兵突入掩殺兩路追擊斬應
選殲敵兵五百擒遊擊曹得功及守備二員獲馬
匹甲冑無算距錦州松山城五里收軍還翼日復
攻克一臺回駐廣寧邊境旬餘乃還

駕出懷遠門五里外迎勞多鐸獻陣獲官將及所得軍器
馬匹

上以多鐸初專閩外能出奇制勝嘉獎之

賜良馬五甲五崇德元年四月晉封和碩豫親王六月

命掌禮部事八月與睿親王多爾袞等征明分兩翼王率左翼兵由錦州入降胡有陞等由義州還十二月上親征朝鮮遣戶部承政馬福塔等率兵二百爲前鋒多鐸等由沙河保領兵千繼之至其都國王李倣棄國遁我兵踰城入城中軍士奔竄追之四十里至南漢山城環圍之朝鮮臣在外者聞其主被圍率兵二萬餘先後來援屢戰敗之迎上駐城西獻所獲馬械

命分資有差二年正月大兵北渡漢江營江岸距王都城東二十里許朝鮮全羅忠清兩道兵來援列營南漢山

命多鐸率兵往視天方雪陰晦敵營依山而陣我兵進擊敗之追至山巔還詰旦復率兵進朝鮮兵已拔營夜遁收其馬千餘二月朝鮮降乃班師三年二月從

上征喀爾喀多鐸率本旗護軍兵及土默特兵從寧遠鋪

欽定八旗通志 卷一百二十六
州間進發大兵從義州一路進發多鐸將入邊俘
斬哨卒十餘攻克桑阿爾齋舊居之大興堡斬守
備一及壯丁二百俘其戶口道擒大壽所遣二謀
以歸九月

上至演武場送睿親王征明王以目疾甫愈不至
詔侯睿親王班師議罪旋

命率所部兵往中後所助鄭親王濟爾哈朗十一月將過
中後所大壽以兵來襲傷我兵九人掠馬三十王

且戰且退殺敵三十人夜達鄭親王營翼日合兵
至中後所

上統兵至敵不敢出四年五月議前不送出師及中後所
失士馬罪降多羅貝勒八月

命掌兵部事十月同肅親王豪格征明錦州寧遠敗敵於
城北山岡斬總兵金國鳳及其二子五年三月奉

命與鄭親王分統左右翼兵往義州葺城屯田逾月畢工
墾田東西四十里五月蒙古多羅特部蘇班代山等

駐杏山西五里臺密乞內附

上命多鐸與鄭親王等率護軍兵千五百往迎之夜過錦州城南至杏山携其貲畜以行黎明松山總兵劉周智列兵環松山錦州兵續至與周智合逼我軍多鐸與鄭親王等進擊敗之追剿至城下斬副將楊倫周叅將李得位等獲旗纛馬匹盔甲還

賜多鐸御廩良馬二十一月圍錦州夜伏兵桑阿爾齋保旦敵至敗之追至塔山斬八十餘級獲馬二十六

年三月復同鄭親王圍錦州收其守郭蒙古將諾木齊等屢敗明兵松山杏山間事俱詳鄭獻親王傳八月明總督洪承疇會八總兵以兵十三萬援錦州

上親統大兵臨之自

盛京馳六日環松山而營明兵大驚八總兵等宵遁

上命多鐸設伏明總兵吳三桂王樸率兵從杏山奔寧遠我前鋒兵自杏山西追擊至高橋伏兵起夾攻之

金元八旗通志 卷一百二十六
斬殺無算三桂樸僅以身免九月

上旋蹕

命多鐸與諸王更番圍松山城內兵夜出犯我鑲黃旗營
我兵擊敗之斬級千餘獲礮五十七十一月承疇
自松山城出兵六千夜犯我正紅正黃二旗營我
兵依汛沿濠射卻之殪四百餘人七年二月明松
山副將夏承德密約內應以其子夏舒爲質夜半
梯登南城生擒承疇及巡撫邱民仰總兵王廷臣

曹變蛟等七月敘功晉封多羅豫郡王十月以貝

勒阿巴泰爲奉命大將軍由黃崖口證明薊州

命王與郡王阿達禮等屯寧遠邊境牽制明寧遠援兵至
則遣人入畧俘百餘人敵出戰敗之多獲牲械八
年四月因

聖躬違和有事祈禱疏言兵者不得已而用今日之勢宜
暫息兵至國中興作俟規模既定後舉行但當以
農務爲急農務克勤則庶民衣食豐足衣食豐足

則舉國慶豫舉國慶豫則

朝廷膺無疆之福而

聖躬永享安和此後舉行未晚也順治元年四月從睿親王多爾袞入山海關破流賊李自成定燕京十月晉封和碩豫親王時明福王朱由崧自立於江寧設江北四鎮扼淮徐爲割據計十一月

命多鐸爲定國大將軍統師南征值河南奏流賊肆掠

詔先剿賊河南十二月至孟津遣護軍統領圖賴先渡黃

河流賊僞都司黃士欣果毅將軍張有聲潰遁沿

河十五寨保望風歸附睢州明總兵許定國玉寨

首領李際遇等率衆來降大兵至陝州賊將張有

曾屯靈寶城外我軍夜襲敗之師距潼關二十里

立營俟紅衣礮至進攻賊將僞汝侯劉宗敏據山

爲陣我前鋒統領努山鄂碩等趨破之圖賴復率

騎掩殺甚衆宗敏遁二年正月賊將劉方亮犯我

營被我兵擊敗自成親率兵迎戰我軍協力並進

殲其步卒賊騎奔復連夜來犯俱敗之旣而紅衣
礮至進逼潼關賊鑿重壕立堅壁以拒遂發巨礮
攻之我師相繼衝入殺賊無算賊又以騎兵三百
橫衝我師貝勒尼堪懷順王耿仲明貝子尙善等
躍馬來擊敗之賊又分兵躡我後蒙古都統恩格
圖領殿後軍破之諸軍連勝殲賊營精銳殆盡自
成喪魄走西安僞守關吳山伯馬世堯率所部七
千餘降獲馬千餘匹輜重兵甲無算師入潼關獲

世堯所遣致書自成者二人併世堯斬以徇越二
日至西安自成已先五日焚宮室挈子女輜重出
藍田竄商州南走湖廣遣護軍統領阿爾津等追
之不及而還二月捷

聞

諭曰聞爾等破流寇於潼關遂得西安不勝嘉悅初曾命
爾等取南京今旣破流寇大業已成卽將陝西事宜交
與靖遠大將軍和碩英親王等爾等卽遵前命趨南京

大丈夫爲國建功正在此時汝其勉之三月王率兵抵河南僞平南伯劉忠迎降兵出虎牢關分遣都統拜音圖等出龍門關尙書漢岱副都統伊爾德侍郎尼堪等統外藩蒙古兵出南陽三路同趨歸德州縣望風投順所至撫兵民設官屬䟽請速鑄給印信以防詐僞從之

諭獎其方收關陝旋定中原勦寇安民勲庸茂著
賜寶飾刀鍔金鞋帶四月自歸德趨泗州明守將焚橋遁

我兵夜渡淮遣漢岱伊爾德阿濟格尼堪杜爾德等先驅趨揚州獲船百餘距揚州城二十里列營復遣署護軍統領固納岱伊爾都齊費揚古烏達禪副都統阿哈尼堪署副都統恪霸庫等軍城南獲船二百餘翼日薄城下招諭明大學士史可法翰林學士衛允文等降不從遣拜音圖賴阿山等攻之七日克其城可法等死焉五月師至揚子江明鎮海伯鄭鴻逵等以水師分守瓜洲儀徵我

軍陳北岸列營相持三日會日暮遣拜音圖圖賴
阿山等率舟師由運河潛渡其夜五鼓復令副都
統李率泰率舟師渡江留左翼兵泊北岸以備夾
擊福王聞揚州失守率馬士英及諸太監遁太平
大軍至南京明忻城伯趙之龍魏國公徐州爵保
國公朱國弼隆平侯張拱日臨淮侯李祖述懷寧
侯孫維城靈璧侯湯國祚安遠侯柳祚昌永康侯
徐宏爵定遠侯鄧文囿項城伯常應俊大興伯鄒

順益寧晉伯劉允基南和伯方一元東寧伯焦夢
熊安城伯張國才洛中伯黃周鼎成安伯柯祚永
駙馬齊贊元大學士王鐸翰林程正揆張居禮部
尚書錢謙益兵部侍郎朱之臣梁雲構李綽給事
中林有本陸朗王之晉徐方來莊則敬及都督十
六員巡捕提督一員副將五十五員迎降其沿途
來歸者與平伯高傑子高元照庸昌伯劉良佐提
督李本深總兵胡茂正張士元郭護楊承祖李中

星何應昌翟鳴鳳王之剛李遇春張天祿張天福
李成棟李棲鳳等二十三人監軍道張健柯起鳳
副將四十七人叅將遊擊共八十六人馬步兵二
十三萬八千三百捷

聞

諭曰

皇天眷祐

宗廟式靈王公將士分猷且力方平河朔旋定江南覽王

奏報朕深嘉悅王躬履戎行指授方畧克奏膚功特遣
侍臣前赴軍中慰勞一應有功將帥官兵作速察敘以
憑封賞時王入駐城中安撫居民令投誠軍士歸伍遣
貝勒尼堪貝子屯齊等追福王子太平福王復走
蕪湖登舟欲渡江圖賴等邀之江口明靖國公黃
得功迎戰敗之敵兵皆墮水盡奪其舟得功中流
矢死總兵田雄馬得功縛福王及其妃歸我軍初
福王走太平其大學士馬士英挾福王母走杭州

議奉潞王朱常滂拒守六月貝勒博洛等趨杭州
士英迎戰大敗夜渡錢塘江逃潞王率衆降浙東
西皆歸順明淮王朱常清亦自紹興來降王承

制改南京爲江南省疏授江寧安慶巡撫以下官三百七
十三人復遣人至湖州移周王眷屬於杭州安置
收總兵王之仁屬下兵將二萬五千人有僞稱杜
楊王煽亂廬州和州聞者遣總兵吳勝兆等勦平
之七月

詔多羅貝勒勒克德渾爲平南大將軍至江寧

命王等俘福王還京十月凱旋

上行郊勞禮於南苑晉封和碩德豫親王

賜黑狐帽紫貂朝服黃金五千白金五萬馬十玲瓏鞍二

三年五月以蘇尼特部騰機思騰機特等叛奔喀

爾喀

詔集外藩諸蒙古兵於克嚕倫河以多鐸爲揚威大將軍
同承澤郡王碩塞等統師追勦七月師至盈阿爾

察克山聞騰機思在衮噶嚕台星夜前進三日及
之敗賊于誇特克山斬台吉茂海渡圖拉河追至
布爾哈圖山斬騰機特子二人孫三人及喀爾喀
台吉十三人盡獲其家口輜重師次扎濟布喇克
喀爾喀土謝圖汗兩子以兵二萬碩雷汗子以兵
三萬兩路迎戰我師奮擊大捷追奔三十餘里先
後斬級數千俘千餘人獲駝千九百馬二萬一千
一百牛萬六千九百羊十三萬五千三百有奇十

月凱旋

上出安定門迎勞錫宴所獲牲畜

詔頒賚將士加

賜王鞍馬一四年七月晉封輔政叔德豫親王

賜黃金千兩白金萬兩鞍馬二

冊文稱其定鼎中原以來所建功勳卓越等倫云六年三

月薨年三十六以其子多尼襲七年三月立碑紀

功九年鄭親王濟爾哈朗等會議豫王係多爾袞

母弟應盡削王爵

上念其功止追降為郡王康熙十年五月追諡曰通乾隆

四十三年正月

上諭廷臣曰豫親王多鐸從睿親王入關肅清京輦即率師西平流寇南定江浙實為開國諸王戰功之最乃以睿親王之誣獄株連降其親王之爵其後又改封信郡王雖至今承襲罔替但以王之勲績超過等倫自應世胙原封以彰殊眷豈可以風影微眚輒加

貶易

命追封親王復其封號並配享

太廟八月入祀

盛京賢王祠

多羅信郡王多尼 子鄂扎多尼弟洞鄂

多尼豫通親王多鐸次子崇德七年七月封多羅

郡王順治六年十月襲父和碩親王爵七年五月

預議政八年二月加封號曰信九年三月追降多

鐸爲郡王多尼亦降多羅信郡王罷議政十月復
議政十五年正月

上命多尼爲安遠靖寇大將軍偕平郡王羅科鐸貝勒尙
善杜蘭等征明桂王朱由榔與征西大將軍平西
王吳三桂征南將軍都統卓布泰會於平越府之
楊老堡定議分兵進取王自貴陽入吳三桂自遵
義入卓布泰自都勻入約以十二月會雲南省城
十一月王由貴陽趨安莊衛由榔將晉王李定國

焚磨盤江鐵索橋遁十二月我兵以浮橋濟遂自
交水至松嶺衛鞏昌王白文選率兵二萬拒我軍
擊走之十六年正月薄雲南省城時吳三桂卓布
泰亦至定國文選挾由榔奔永昌王入城駐守遣
貝勒尙善等由鎮南州克永昌府及騰越州六月

上以王跋涉險阻經歷寒暑傳

諭慰勞

賜御用衣一蟒袍一及鞍馬弓矢等物十七年五月凱旋

遣內大臣迎勞十八年正月薨年二十六諡曰宣和六月
以其子鄂扎襲封多羅信郡王康熙十四年三月
察哈爾布爾尼叛

上命鄂扎爲撫遠大將軍往討以大學士都統圖海副之
護軍統領哈克山副都統吳丹洪世祿爲叅贊瀕
行

諭之曰大兵出山海關當宣布

累朝待布爾尼厚恩及朕不忍加誅之意彼若悔罪來

歸則已否則以勅書付縱還蒙古持往諭之卽布爾尼
等臨陣來降亦當保全恩養今值蒙古馬瘦爾等速往
毋違四月師次岐爾哈台偵賊屯達祿王留輜重以輕
騎進布爾尼設伏山谷間列陣而待王與圖海等
分布滿洲蒙古兵進擊厯山澗賊伏發撓我土默
特兵我軍擊敗之布爾尼領大隊列火器以拒我
兵奮擊賊大敗復收潰卒戰我軍乘勝連敗之布
爾尼偕其弟羅卜藏以三十騎遁至扎魯特境貴

勒蘇台為科爾沁赴調之部長沙津射殫察哈爾
平王招撫餘黨編為一千三百餘戶閏五月師還

上迎勞於南苑

諭嘉其遠行征討建立大功

賜黃金百兩白金千兩二十四年掌宗人府事二十九年

噶爾丹深入烏珠穆沁

上命恭親王常寧為安北大將軍鄂扎副之三十五年二

月

上親征噶爾丹以王統領正白旗營三十八年以愔解宗

人府任四十一年十月薨以其叔洞鄂襲多羅信

郡王洞鄂豫郡王多鐸第七子順治十八年正月

封多羅貝勒康熙十二年冬逆藩吳三桂反於雲

南四川文武官叛應之十三年六月洞鄂奉

命為定西大將軍同貝子溫齊輔國公綽克托率貝子準

達所領驍騎之半由陝西進討將抵畧陽陝西提

督王輔臣叛于寧羗州洞鄂以道阻退次漢中留

將軍錫卜臣等駐守自引兵出棧道由鳳縣至鳳翔復留副都統赫業等駐守自率餘兵回西安十

四年正月

上諭廷臣曰蘭州近邊要地應速遣兵駐守今保寧人兵已回西安達禮善巴圖魯兵亦將至西安其撥西安現在兵每佐領下四五名赴蘭州勦禦逸賊洞鄂疏言蘭州固宜遣防但保寧還卒鎧甲未備達禮善巴圖魯兵兼程來恐難驟遣若以西安兵往恐輔臣由

陳倉諸路斷我棧道自秦州平涼來逼深爲可虞又疏言興安兵變殺總兵王懷忠臣等出示安撫仍止前往興安之副都統穆舒渾兵

上勅撫慰興安又

諭洞鄂曰陝西重地棧道關繫尤急沔州秦州乃通漢中要路其若何據守保固與總督等會議務期萬全時鳳縣賊毀偏橋守隘阻運輔臣所部王好文等復斷棧道二月

諭責洞鄂等退縮遲延致狡寇阻截仍

嚴飭往定平涼秦州諸路於是將軍阿密達署副都統鄂克濟哈等率所調興京兵西安兵往平涼洞鄂與溫齊綽克托等率回自保寧及達禮善巴圖魯兵往秦州是月賊陷蘭州

勅兩路兵速進洞鄂至隴州經仙逸關僞總兵高鼎等聚衆四千據關山河岸立營拒守洞鄂與署前鋒統領穆占西安將軍佛尼勒副都統達禮善巴圖魯

分布八旗官兵令驍騎兵俱步行爲前隊前鋒及護軍兵爲後隊又預撥都統赫業爲奇兵就近應援比接戰自己至午賊力拒赫業以援兵合力衝擊賊敗遁斬殺甚多因乘勝追擊復關山關三月大軍次渭河奪其橋圍秦州四月王輔臣遣賊兵萬餘自平涼來援屯南山城內賊兵八千餘突出我兵分擊大敗之克東西兩關屢敗賊陣斬僞總兵何隆李國棟招撫僞文武官二百二十餘兵八

欽定八旗通志 卷一百二十六
千四百餘安輯民人九萬有奇遂復秦州又遣振武將軍佛尼勒內大臣坤巴圖魯總兵官孫思克追勦至閩關賊迎戰破之復禮縣追賊至西和殺千餘人陣斬偽官三十清水伏羌俱平捷

聞得

旨嘉獎又遣西安將軍穆占率兵援鞏昌復郡城七月

上諭洞鄂曰國家仰荷

天眷秦州鞏昌蘭州等處漸次恢復朕甚嘉悅此係保寧

還旆之兵間關跋涉努力効命所致須不時存念恤其勞苦非緊要必節其勞無大過則寬其罰爾等將兵在外事情經練頗多必能同寅協恭折衷而行但相隔遼遠慮所及不得不爲告誡秦地實爲形勝要區今將軍總督總兵及投誠兵衆雲屯一處將軍張勇勞績甚多恐貝勒等藐忽視之生彼憤懣時屢朕懷貝勒等旣效勤勞底定秦省務期克奏全功以慰朕望八月偽總兵趙士昇以蘭州降歸川十二保及偽叅將普國

金定八旗通志 卷一百二十六
祥兵千餘人皆就撫遂與平逆將軍畢力克圖場
威將軍阿密達會于平涼賊出城迎戰我軍合擊
屢敗之斬偽總兵郝天祥餘擒斬無算九月遣副
都統鄂泰阿爾琥敗賊于寶雞縣羊添池山焚其
營十二月疏言大兵攻平涼克取第一關廂距城
三里許對南山屯營欲進薄城因溝深地險難下
壘故未能卽下

諭宜斷餉道以困之十五年二月

諭兵部曰大將軍貝勒洞鄂等屯兵平涼日久賊寇尙未
勦滅城池尙未恢復夫秦省不能卽定川賊尙在窺伺
者皆由王輔臣未勦滅平涼未克取故也其以都統大
學士圖海爲撫遠大將軍率每佐領護軍二名亟赴陝
西總轄全省滿漢大兵斷賊餉道勦滅逆孽速靖地方
大將軍抵平涼時盡收各將軍敕印遇有分遣酌量給
付其貝勒洞鄂以下悉聽大將軍節制是月疏言聞逆
賊將斷關山擬遣兵往守現在兵少難分至鞏昌

雖有副都統翁愛率兵前赴而賊逼可虞

命將軍錫卜臣等調兵守關山張勇等堵剿出犯秦鞏之

賊十六年二月部議陝西軍前功罪以洞鄂在軍

前無功革貝勒爵二十一年九月任正藍旗滿洲

都統四十二年三月兄子信郡王鄂扎薨以洞鄂

襲多羅信郡王爵四十五年六月薨王薨後禮部

請卹

上諭廷臣曰洞鄂補授都統祝襲王爵以來並無戴恩効力

之處且係軍政間罪之人不准賜卹其王爵亦當論嫡

長所生以信郡王鄂扎之子德昭襲德昭既襲封多羅

信郡王雍正二年十一月授宗人府右宗正四年

八月管正白旗事務五年十一月轉左宗正乾隆

二十七年二月薨年六十有三諡曰愨以豫通親

王多鐸六世孫如松襲初多鐸第三子多爾博出

為睿親王後睿親王被罪未及襲還本宗封多羅

貝勒多爾博生蘇爾發襲固山貝子生塞勒塞勒

生功宜布皆襲輔國公如松功宜布第三子也乾隆十一年六月襲父爵輔國公十七年七月任

乾清門散秩大臣二十一年四月管健銳營事六月

署鑲黃旗滿洲副都統二十二年正月署領侍衛

內大臣尋授宗人府右宗人二月授兵部侍郎四

月授鑲紅旗滿洲副都統二十三年二月調正黃

旗滿洲副都統九月遷正黃旗漢軍都統二十四

年六月轉左宗人九月署兵部尚書十二月授領

侍衛內大臣二十五年十月授綏遠城將軍二十

六年十一月調西安將軍二十七年閏五月

命襲封多羅信郡王八月授正藍旗蒙古都統九月署

領侍衛內大臣二十八年七月授右宗正十月管

理宗人府銀庫事三十年十一月以縱輿夫開博

場應革爵得

旨寬免在間散王上行走如松請歲繳王俸五千兩贖

罪宗人府議不足蔽辜應革爵

命照如松請仍免革爵三十五年十一月薨年三十有
四諡曰恪三十六年以懋郡王德昭第十五子修
齡襲修齡初于乾隆二十七年六月襲如松所遺
之輔國公三十年十二月授散秩大臣三十四年
十月授宗人府右宗人十二月任正白旗滿洲副
都統三十五年正月調鑲紅旗滿洲副都統五月
轉左宗人閏五月調正紅旗漢軍副都統三十六
年四月

命襲封多羅信郡王旋授左宗正三十七年三月總理
鑲白旗覺羅學四十二年正月

特命復豫通親王始封爵號晉襲和碩豫親王四月任
正白旗蒙古都統四十八年十月授盟長十一月
掌宗人府事四十九年閏三月調鑲藍旗滿洲都
統五十一年二月薨年三十有八諡曰良十月以

其長子豫豐襲封和碩豫親王
原封多羅貝勒察尼

察尼豫通親王多鐸第四子順治十三年正月封
多羅貝勒康熙七年正月授宗人府左宗正七月
預議政九年三月充

玉牒館副總裁十二年十二月逆藩吳三桂反

命寧南靖寇大將軍順承郡王勒爾錦由湖廣進剿以察
尼叅贊軍務十三年三月至荊州時賊已陷岳州
七月察尼與鎮南將軍尼雅翰水陸齊進偽將軍
吳應麒以賊七萬餘由陸路來拒察尼等督兵奮

擊大敗之斬首萬級舟師抵七里山以礮攻沉賊
船十餘六月

命貝勒尚善爲安遠靖寇大將軍赴岳州察尼回荊州駐
守十四年五月賊陷穀城察尼佩靖寇將軍印往
援都統伊里布等先至賊棄城遁時賊陷南漳興
山又增兵犯彝陵據城外鎮荆山掘壕結寨八月
察尼至彝陵以賊寨難進攻其糧由江運議增舟
師斷賊運道困之十月遣兵敗賊牛皮丁口進攻

黃連坪焚其積聚與山賊遁十五年二月吳逆移南漳彝陵賊兵向長沙順承郡王令察尼回荊州渡江勦賊同都統伊里布等趨石首賊據虎渡口迎戰敗之追至太平街斬級三百餘泊江南岸翼日再登岸擊賊過太平街遇賊伏失利退荊州詔責勒爾錦老師糜餉察尼叅贊無能令立功贖罪十七年八月貝勒尚善薨於岳州軍中

上命察尼代為安遠靖寇大將軍規復岳州九月疏言舟

師入湖已久雖未大挫賊鋒賊亦不能出戰近聞賊餉將絕將軍林興珠獻策謂宜于湖水涸後圍以木棧立木椿列火礮俾小船巡警以困之然湖水之涸為期尚遲兩三月間賊中安知無變今乘水勢未退立一營於南津港俟水涸酌撥舟師營於君山高家廟絕其糧道賊勢窮蹙不難撲滅上善其言令副都統關保率兵赴岳州軍聽調遣是月遣提督桑額攝撫遠將軍彰泰率師至南津港大敗

賊衆十一月偽將軍杜輝巴養元姜義等賊舟犯陸石口將軍鄂訥敗之斬千餘級遣署副都統葉儲赫進攻岳州破賊萬餘時賊糧已匱屢乘舟出意在疏通餉道每出塵戰移時偽帥率衆五千自高家廟渡江來犯我營察尼遣署前鋒統領杭奇助禦却之先是察尼以舟師屢出戰疏請發江南子母等礮一千又請調荊州水師總兵張忠并標兵營君山高家廟

上皆允之至是又疏言湖水漸涸陸地漸出我兵營伍隔絕恐賊潛通糧饋請增發滿漢兵議政王大臣議不允

上以圍取岳州關係緊要賊糧斷絕宜益兵遂

命安親王岳樂量調長沙閒駐兵赴岳州十八年正月疏

請調兵六千圍岳州城並請設隨征左右前後四

營總兵官分轄

詔如所請是月偽總兵王度冲偽將軍陳珀等各以其舟

師降吳應麒等棄城遁復岳州計招撫偽官六百餘兵五千餘獲船六十五礮六百四十餘二月安親王自長沙進取衡州察尼發綠旗兵沙船助其軍尋遣都統珠滿追擊賊于湘陰斬獲無算復其城提督桑額克安鄉降偽官三員四月

命察尼由常德進征辰龍關軍務在澧州以南者聽調度十九年三月同都統鄂訥等攻克辰龍關抵辰州賊潰遁偽知府傅祖祿以城降並招撫偽將軍楊

有祿周楨楊寶蔭祖述舜等五月疏言自常德進辰沅沿途雨澤馬乏

詔暫屯沅州酌量進發六月疏言在軍前鋒四百有奇護軍驍騎每佐領二十餘人應簡前鋒三百每佐領護軍六驍騎九進取雲貴

上命彰泰統師進征察尼領久征勞苦之滿洲兵還京十一月議察尼出師湖廣不速扼要害退縮不前老師糜餉坐失事機幾至悞國應削貝勒及議政宗

人府職籍家屬財產仍拘禁得

旨察尼應如議處分但既克岳州且從前有效力之請著從寬免其羈禁籍沒僅削爵為閒散宗室二十四年十

二月

特授奉天將軍二十七年九月卒年四十有八喪還

遣領侍衛內大臣公費揚古往奠

賜祭葬如輔國公例諡曰恪僖爵除

欽定八旗通志卷一百二十六

欽定八旗通志卷一百二十七

人物志七

宗室王公傳五

和碩肅武親王豪格

和碩肅武親王豪格

豪格

太宗文皇帝長子初從征蒙古棟夔察哈爾鄂爾多斯諸

部屢立軍功封貝勒天命十一年十月奉

命同大貝勒代善等率精兵萬人往征蒙古喀爾喀札嚕

特部落所向皆捷斬其貝勒鄂爾齋圖擒巴克父子三人及拉什希布岱青多爾濟桑阿爾齋等十四貝勒以俘獲還天聰元年五月

上親征明至廣寧舊邊分兵三隊豪格同貝勒德格類等敗明兵於錦州復率偏師衛塔山糧運豪格以精騎八十人先行遇明兵二萬擊却之二年同貝勒濟爾哈朗征蒙古固特塔布囊誅之收其衆三年九月復從

上征明

命同三貝勒莽古爾泰等赴通州視渡口捕哨卒大兵由通州薄京師明寧遠巡撫袁崇煥錦州總兵祖大壽等以兵二萬來援屯廣渠門外右偏伏重兵莽古爾泰令諸貝勒擊其右避敵者罪之豪格直趨右偏敗其伏衝殺至城壕敵大潰十二月同貝勒岳託薩哈璘率兵四千圍永平府攻克香河縣四年正月奉

命同岳託往瀋陽代留守兵五年七月

上率諸貝勒將帥及大軍攻明大凌河城豪格奉

命與貝勒杜度薩哈璘等居守都城六年五月從

上征察哈爾林丹汗遁移師畧歸化城六月晉封和碩貝

勒七年六月

詔問征明與察哈爾朝鮮孰先豪格奏言錦州寧遠攻之
無益蓋我國攻城之法彼盡知之況我兵先曾攻
之而未得若復令攻之必有畏難之意雖得錦州

此外七城尚煩攻取若徒得一城其餘亦未必歸

服當思不勞而得之法今盡率我兵及邊外新舊

蒙古兵從舊道入焚畧各處爲書頒各屯寨告以

我願和而彼不肯和之意則彼處人民必自怨其

主於我無尤我軍馬匹或斃卽以所獲貲財買補

餘用製衣則嗣後進兵人人願往誰肯安坐如此

去而速返俟秣馬肥壯稍益以漢軍携紅衣礮分

兵兩路一從寧遠入一從舊路入夾攻山海關得

之則已不得則屯兵彼地遣人往招流賊不然進
攻通州久駐其地如流賊仍在則遣師乘夜襲之
至朝鮮宜暫撫慰俟我勝負既定再議察哈爾若
離興安嶺二三日程雖追無及若近可相機行也

八月

命與阿巴泰貝勒等率額駙揚古利統兵二千畧明山海

關俘獲戶口牲畜四千有奇八年七月

上將由尙方保入明邊攻宣府朔州一帶

命豪格率額駙揚古利等先往拆毀邊牆大兵遂入尙方
保分道進閏八月

命同貝勒多爾袞畧朔州及五臺山還從

視大同攻其城明兵來援擊敗之追及城壕還獲馬百九

年二月

命與多爾袞岳託薩哈璘統兵萬往收察哈爾林丹汗之

子額哲四月大兵至錫喇珠爾格察哈爾汗妻及

台吉索諾木率所屬千五百戶降仍率兵前進造

船渡黃河抵托里圖天霧晦額哲無備豪格與諸
貝勒等恐其驚潰按兵不動遣葉赫貝勒錦台什
之弟南楚及其族叔祖阿什達爾漢併哈爾松阿
代袞先往宣

諭慰撫額哲遂奉其母率眾宰桑合吉出迎降時鄂爾多
斯部濟農誘額哲往附與之盟且行矣我前軍阿
什達爾漢等追濟農還

諭令盡返所携察哈爾人戶遺物不然即移兵往討濟農

懼盡送於軍遂携降民渡黃河至歸化城時岳託
以疾留駐豪格同諸貝勒率額哲等畧明山西白
平魯衛入遇明右衛兵二百敗之進至朔州有寧
武關叅將以兵來拒殺十餘人叅將被創遁我兵
直抵長城下遣前鋒統領勞薩毀關入畧代州忻
州至忻口明總督遣兵七百來偵我軍左翼兵擊
走之追至崞縣乃還出長城自應州赴平魯衛明
兵五百出城陣我右翼兵破之追至城壕斬級百

餘遂率大兵出邊計俘獲人畜七萬六千二百至
歸化城與岳託會班師事互詳睿忠親王傳崇德
元年四月晉封和碩肅親王兼理戶部事尋以黨
岳託且漏丁獄而執歸時與岳託入營力以

上言有怨心降貝勒解部任罰鍰八月同睿親王多爾袞
攻明錦州降胡有陞等十一月仍

命攝戶部事務十二月

上親征朝鮮豪格與睿親王分統滿洲蒙古及外藩蒙古

各左翼兵別從寬甸路入二年正月入長山口昌
州軍民棄城奔山寨克之又敗安州黃州援兵寧
邊守將以兵千來戰豪格遣蒙古都統蘇納等敗
之擒其帥師至宣屯村村民言黃州總兵聞其王
被圍率兵萬五千往援行三日矣豪格選兵夜疾
馳旦至陶山襲擊敗之九月以都統鄂莫克圖欲
脅取蒙古台吉博洛女以媚豪格豪格不治其罪
議罷部任罰鍰三年十月復同睿親王等征明白

董家口毀邊牆入敗明兵於豐潤縣遂下山東降
高唐州畧地至曹州明兵毀橋拒我師列陣誘敵
潛渡遶其後敗之還下東光縣又遣騎二千敗郭
太監兵於滹沱河破獻縣四年四月凱旋獻所獲
於

篤恭殿

上酌納之

賜豪格馬二銀萬兩八月仍

命管戶部事九月復封肅親王十一月偕貝勒多鐸征錦

州明寧遠兵出北山岡來拒遣右翼兵擊敗之陣

斬總兵金國鳳及其二子五年六月同睿親王等

屯田義州刈其禾稼屢敗明兵克其臺卻其總督

洪承疇援兵十二月同睿親王多爾袞圍錦州以

我軍離城遠駐又遣弁兵私回罪與睿親王並降

郡王六年六月

命同睿郡王多爾袞往代鄭親王濟爾哈朗等圍錦州屢

擊松山及山海關援兵有斬獲明總督洪承疇以
兵十三萬來援我兵敗其三營獲馬五百餘以敵
兵多請濟師

上遂統大兵親征自盛京疾馳六日至戚家保

遣內國史院大學士剛林等

諭多爾袞豪格等駐營高橋俟大兵至合圍松山杏山豪

格與多爾袞等奏請

上駐營松山杏山間

上允之明兵屢犯我營汎皆敗見大兵環松山而營大懼

明總兵吳三桂等沿海夜奔寧遠九月

命與睿郡王多爾袞等還守

盛京十一月同輔國公滿達海等圍明松山敗敵兵

七年二月明松山副將夏承德密約內應以其子

夏舒爲質遂於城南豎梯夜登生擒承疇及巡撫

邱民仰總兵王廷臣曹變蛟祖大樂總兵白廣恩

之子白良弼等斬兵備道副將遊擊都司守備等

官百餘人兵三千有奇俘獲人口器械無算事詳
豫通親王傳三月駐松山斬明兵出樵採者三十
餘人又遣前鋒努山擊敗明兵之欲入寧遠者五
百餘人四月復同鄭親王濟爾哈朗睿郡王多爾
袞攻塔山以巨礮轟擊之城陷二十餘丈我兵由
與齊陷處先登克其城殲其官兵七千七月敘功復封

肅親王

賜鞍馬一蟒緞百順治元年四月以語侵睿親王爲都統

和洛輝所訐削爵十月復封肅親王是年冬

命勦山東土寇至則定濟寧破滿家洞等賊巢堙二百五

十一洞土寇平三年正月奉

命爲靖遠大將軍率同衍禧郡王羅洛渾貝勒尼堪等征
四川流寇三月抵西安遣尙書星訥等勦賊於邠
州降宋大傑賀洪暉齊勲張國棟等復遣都統都
類勦賊於慶陽五月賊渠劉文炳康千總郭天星
等迎拒擊之斬千總時賊渠賀珍一一隻虎孫守法

據漢中興安武大定高如礪蔣登雷石國璽王可
成周克德據徽縣階州大軍自西安進分兵奮擊
降登雷國璽可成克德餘潰遁復所陷州縣陝西
平十一月入蜀至南部偵賊張獻忠列營西充縣
境命護軍統領熬拜等分領八旗兵先發親統大
軍星夜繼進詰旦抵西充獻忠悉衆拒戰我兵奮
擊大破之斬獻忠於陣復分兵四出破賊營一百
三十餘斬數萬級獲馬羸一萬二千二百有奇捷

聞

諭曰王等指授方畧克奏膚功獻忠伏誅四川平定深可
嘉悅有功官兵察明議敘四年分兵征勦遵義夔州茂
州榮昌隆昌富順內江資陽等處斬僞王及巡撫
總兵副將以下官千餘人兵丁無算獲馬羸萬二
千四百餘川寇平五年正月凱還
遣內大臣達爾漢諾延往迎二月至京

上御太和殿宴勞之三月睿親王以豪格徇隱隨征護軍

參領希爾根冒功事又欲擢用罪人揚善之弟吉
因大賽議罪削爵繫獄尋卒八年

上親政念其枉復和碩肅親王爵立碑表之以其子富綬
襲十三年九月追諡曰武再立碑紀功乾隆四十

三年正月

上追念肅親王忠勛

命配享

太廟其現襲之顯親王復封號曰肅八月

命入祀

盛京賢王祠豪格第四子富綬於順治八年二月襲
封和碩親王改號曰顯尋預議政康熙八年十二
月薨諡曰懿九年六月以富綬第四子丹臻襲封
和碩顯親王三十五年二月從

上征噶爾丹同副都統禪穆布統領正藍旗營四十一年

五月薨諡曰密丹臻第六子衍璜襲乾隆元年二
月總理鑲白旗覺羅學三十六年十二月薨諡曰

謹三十七年以富綬孫輔國將軍拜察禮之子蘊著襲蘊著初於康熙四十七年封三等奉國將軍

乾隆七年六月授內閣侍讀學士十年二月遷通政使十一月遷

盛京戶部侍郎十二年五月調兵部侍郎尋任鑲黃

旗滿洲副都統九月授漕運總督十四年四月以

受商人程志仁等餽遺又稱奉

旨嚴查鹽政古慶私產狡詐乖張擬絞監候嗣

恩釋二十年授鑲白旗漢軍副都統二十一年調右衛副

都統二十二年授涼州將軍二十七年調綏遠城

將軍二十八年攝歸化城都統事三十年授工部

尚書三十一年正月預議政尋充

經筵講官二月管會同四譯館三十二年因工部派

辦溝渠工程不公降二級調用三十七年襲封和

碩顯親王五月授鑲藍旗滿洲都統三十八年總

理鑲藍旗覺羅學四十三年正月

命復肅武親王始封之號仍為肅親王是年四月薨諡

曰勤以丹臻孫奉國將軍成信之子永錫襲永錫

初於乾隆三十三年授三等侍衛四十三年襲封

和碩肅親王四十九年六月總理正黃旗覺羅學

諭告三十一年五月廣濟通經館

軍二十八年對察州將軍二十五年

二十三年對察州將軍二十五年

欽定八旗通志卷一百二十七

八

